

水澄風細瑞烟清敬燕名香禱聖明拙句偶成聊遣興洞庭書
壁記曾行

題祝融峯

世務人情不足看歸來晦跡掩松關孤高絕頂無人到獨駕蒼
龍任往還

題居庸關二首

半年幾過居庸關誰信閒人卻不閒白髮垂垂成底事青山依
舊水潺潺

松風啼鳥送人歸小雨初晴路不泥說與居庸關上客長春指
日到無疑

道藏輯要

西雲集

夫

昇集七

龍門

秋來兩度過龍門頂踵無非荷聖恩足躡黃雲歸故國手提滄
海上崑崙

蓬山

人間別後到蓬山從此人間更不還茅舍竹籬青嶂底悠然相
對白雲閒

過輝州

竹杖芒鞋短布裘飄蓬雲水過輝州催詩風雨無佳句貪看蛟
龍戲碧流

濟源投簡